

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 1. Abrëll 2021

Här President,

sou wéi d'Chambersreglement et virgesäit, bieden ech Iech, dës parlamentaresch Fro un d'Madamm Gesondheetsminister weiderzeleeden.

Am Artikel "was man nicht sieht" an der Editioun vun der "Süddeutschen Zeitung" vum 27. an 28. Mäerz 2021, goufen d'Problemer vun de Laangzäitfolge vun enger COVID-Infektioun, de sogenannte Post-COVID-Syndrom, diskutéiert.

Den Artikel geet ënner anerem op eng Etude an, déi am italieenesche Fachmagasinn "Plos" publizéiert gouf. Deemno hätt de Grad vum Krankheitsverlaf keen direkten Afloss op de Grad vun de Laangzäitfolgen. Och Leit, déi während der Infektiounsphase just liicht Symptomer opweise, kënnen vu schwéiere Laangzäitfolge getraff ginn. En däitsche Rehazenter, deen op d'Behandlung vu COVID-Laangzäitpatienten spezialiséiert ass, betount, datt et eng ganz komplex Erausforderung duerstellt, adequat Therapien ze entwéckelen, well déi eenzel Symptomer sech opgrond vu feelenden Donnéeën ursächlech nach kengem spezifesch "biologesche Mechanismus" zouerdne loosse. Heefeg Symptomer si Konzentratiouns, Otem, Schlof a berufflech Leeschtungsstéierungen.

Duerfir hunn ech folgend Nofro un d'Madamm Gesondheetsminister:

- 1) Wéivill Patienten mat engem Post-COVID-Syndrom sinn aktuell zu Lëtzebuerg enregistréiert?
- 2) Wéi eng medezinesch Institutiounen betrieen déi Leit?
- 3) Op Basis vu wéi enge Symptomer kann den Hausdokter zu Lëtzebuerg e Post-COVID-Syndrom als Krankheitsursaach consideréieren an u wéi eng zoustänneg Instanz kann hien de Patient fir weider Ënnersichunge verweisen?
- 4) Kënnen déi Donnéeën aus dem uewen driwwer genannte Fall mam Accord vum Patient anonymiséiert an der Recherche zur Verfügung gestallt ginn?
- 5) Wéi kënnen generell weiderféierend Donnéeën iwwert d'Krankheitsbild vun engem COVID-Infizéierte gesammelt ginn, wann de Patient während senger Infektioun doheim isoléiert ass?
- 6) Wéi eng weiderféierend Bluttester, Röntgebiller a soss Donnéeën gi bei Patienten erhuewen, déi opgrond vun engem schwéiere Krankheitsverlaf an d'Spidol ageliwwert ginn? Kënnen des Donnéeën mam Accord vum Patient anonymiséiert an der Recherche zur Verfügung gestallt ginn?
- 7) Wéi wäit kënnen d'Lëtzebuerger Dokteren bis lo op d'Resultater vun der internationaler Recherche zeréck gräifen?
- 8) Op wéi enge aktuelle Modalitéit baséiert d'Gestioun vum Post-COVID-Syndrom bei der Gesondheetskeess? Wéi eng Medikamenter an Traitementer gi rembourséiert?

9) Kann de Post-COVID-Syndrom am Eenzelfall bei der Decisioun vun engem Accord op
Usproch vun der Invalidérent mat consideréiert ginn?

Mat déiwem Respekt,



Jeff Engelen
Deputéierten